

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Vareš, 05.01. 2022. godine

Predmet: Reakcija na izjave zastupnice Sanje Remić u Skupštini Zeničko-dobojskog kantona (Naša stranka)

Napominjem da se Općina Vareš poslije ratnih djelovanja sama bori u nastaloj ekonomskoj/gospodarskoj lošoj situaciji općine Vareš. Sami smo podnijeli, kao građani, jedan period koji nije davao nikakvu perspektivu niti je obećavao ugodnu budućnost. To je period kada su građani počeli da odlaze u susjedne općine ili u druge države tražeći za sebe rješenje. Zato smo sada došli u poziciju da imamo samo 1/3 predratnog stanovništva. Zahvaljujući samo našoj upornosti i prirodi koja nam je podarila bogatstva, dobili smo jednu novu nadu, novu šansu da na temelju naše tradicije rudarstva tražimo svoju perspektivu. Investitori su prepoznali potencijale mineralnih resursa u Varešu i na osnovu toga podnijeli samoinicijativne zahtjeve za dodjelu koncesija za istraživanje i eksploataciju mineralnih resursa, dok je proceduru dodjele koncesije provodilo nadležno kantonalno Ministarstvo. Zahvaljujući resornom Ministarstvu za obrazovanje uveli smo nove strukovne škole iz oblasti rudarstva, učenici se stipendiraju na temelju ovog projekta (Adriatic Metals Eastern Mining), da smo zahvaljujući njima podigli nivo zaštite okoliša, razvoj kulture, razvoj sporta, razvoj lokalnih mjesnih zajednica, a zahvaljujući njima dobili smo veći interes novih stanovnika u općinu Vareš. Postigli smo veći kapacitet i interes ka razvoju turizma i ugostiteljstva. Pojačana nam je zdravstvena zaštita ulaskom privatne poliklinike i spasili građane općine Vareš, koji su još uvijek u teškoj materijalnoj situaciji da odlaze i plaćaju prevoze do susjednih gradova kao Sarajevo, Zenica, Tuzla.... Ove činjenice prepoznaju svi u Bosni i Hercegovini, odnosno oni koji znaju šta znači ulaganje, oni koji znaju šta je ekonomija/gospodarstvo, oni koji znaju šta znači otopiti klimu i privući strane investicije, kao što je prepoznala Vlada Zeničko-dobojskog kantona zajedno sa Općinom Vareš gdje smo sve odluke donosili shodno važećoj zakonskoj regulativi a u interesu kantona i lokalne zajednice. Zato Vareš i varešku javnost iznenađuje da neko postavlja pitanje ili komentira sjedeći u toplim klupama a nikad nije ni pokušao da se uvjeri da to na licu mjesta u Varešu doživi i da osjeti šta je Vareš bio jučer a šta je Vareš danas. Zato sa sigurnošću tvrdim da će građani Vareša naši privrednici i investitori, ne samo u ovoj oblasti o kome je predmet, biti vječno zahvalni Vladi Federacije BiH, Vladi Zeničko-dobojskog kantona, resornim Ministarstvima i investitorima. Plašim se da još uvijek možda postoje namjere od pojedinaca i pojedinih političkih subjekata da zaustave razvoj kako općine Vareš tako i Zeničko-dobojskog kantona.

S poštovanjem,

Općinski načelnik Zdravko Marošević